



الشاعر

جمال سعد

محافظة البحيرة وادي

النطرون

أشهد يا زمان

لا تقولي يابان ولا كردية
دا إحنا إل بدعنا الحرية
ورينا العالم شكل النور
في تاريخ منقوش على بردية
وتاريخ اتسطر على الجانبين
منقوش في دفاتر دولية
من أحمس مينا وحتشبسوت
بتقول دي وثائق رسمية
والعالم كله وقف مذهول
إزاي دي بلدنا المصرية
والجيش الحر وقفنا معاه

ضباط وجنود من الصالحية
واقفين جدعان أشجع جدعان
من سينا لحد الطالبية
في الجبهة أسود مدفع وبارود
بقذائف هاون رعدية
وكتيبة حدود حتما حتعود
من سينا بطقم الدورية
يا نجف بنور طيران بيدور
في سمانا بطلعات جوية
بيلف يدور شبه الدبور
فوق يحمي قواعد بحرية
وبنات حلوين عهد وواخين
تخدم في الوحدة الطبية
غير الفرسان زي البركان
صف وضباط من البرية
فرحان يا ولاد بنعيد أمجاد
وخلص حنفوك الرهنية
ونقف ونقول اشهد يا زمان
دي بلدنا من الله محمية
وأكتوبر بكره حنستناه
نعبر للضفة الشرقية